





ESTC

Glasgow
University Library




B09 - m. 24


D. E. 4. 26.




~~915 - e. 4~~

~~Dec. 4. 26.~~







To the Library,
from the Author.

TENTAMEN MEDICUM
INAUGURALE,
QUÆDAM DE APOPLEXIA
COMPLECTENS,

QUOD,

ANNUENTE SUMMO NUMINE,

EX AUCTORITATE DIGNISSIMI VICE-CANCELLARII

ARCHIBALDI DAVIDSON, S. S. T. P. P.

ET COLLEGII GLASG. PRÆFECTI;

NEC NON,

AMPLISSIMI SENATUS ACADEMICI CONSENSU,

ET

NOBILISSIMÆ FACULTATIS MEDICÆ DECRETO;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS RITE ET

LEGITIME CONSEQUENDIS,

IN COMITIIS UNIVERSITATIS GLASGUENSIS,

ERUDITORUM EXAMINI SUBJICIT

GEORGIUS WEBSTER,

ANGLO-BRITANNUS,

SOC. MED. EDIN. SOC.

AD DIEM IX. MAII, HORA ET LOCO SOLITIS.

GLASGUÆ:

TYPIS JACOBI MUNDELL, ACADEMIÆ TYPOGRAPHI.

1798.

Digitized by the Internet Archive
in 2016

<https://archive.org/details/b24923564>

JACOBO JEFFRAY, M. D.

REI ANATOMICÆ, CHIRURGICÆ, ET BOTANICÆ,

IN ACADEMIA GLASGUENSI,

PROFESSORI;


HOC

TENTAMEN MEDICUM

INAUGURALE,

D. D. D.

GEORGIUS WEBSTER.



TENTAMEN MEDICUM
INAUGURALE,
QUÆDAM DE APOPLEXIA
COMPLECTENS.

AUCTORE GEORGIO WEBSTER.

PROŒMIUM.

MORBORUM omnium dirorum, quibus sunt homines obnoxii, nulli terrore tanto ferè mortales percussêre, quàm qui, sine ullo præmonitu, vitam absumunt. Apoplexia horum est præcipua; quam, in paginis sequentibus, tractari mihi est in animo. Morbi de quo agitur, Nosologiâ sua Cullenus, hanc reddidit definitionem: “ Apoplexiâ (inquit) “ motus voluntarii ferè omnes imminuti, cum “ sopore, plus minus profundo, superstitite motu “ cordis et arteriarum.” Haud progredientur meæ tamen notationes primas ultra duas species

generis idiopathici, hoc modo, à Cullenò definitas :
 “ 1^{mo}, Apoplexia (sanguinea) cum signis plethoræ
 “ universalis, et præcipuè capitis. 2^{do}, Apoplexia
 “ (serosa) in corpore plerumquè senum, leucophleg-
 “ matico.” Quippe omnes species diversas, Apo-
 plexiæ sub genere complexas, diligenter considerare,
 necessariò me duceret fusiùs ut tractarem, quàm in
 opusculis hujusmodi propriè est sperandum.

Præcepta universè instructa ab Auctore maximè
 meritòque celeberrimo, (quem suprà memoravimus,) in
 medelâ, &c. hujusce morbi, argumentis physio-
 logiæ, haud mihi consentanea videntur. Quicquid
 igitur hâc de re sentiam, quàm brevissimè potero,
 iis reddere qui percontentur decrevi. Plurimo verò
 metu, hoc opus me aggressurum esse confiteor, et
 magis eò, quòd ii qui non solum de Apoplexiâ,
 sed multis etiam aliis morbis scripserunt, alius aliâ
 ratione, ut notavi, et maximè dissimili, tractave-
 runt. Citiùs nam lineas duas parallelas aspicere in
 unum concurrentes speraremus, quàm ut exitus
 similes à causis tam diversis dimanare videamus.
 Hic Nitri, in febribus cunctis, morbisque cum in-
 flammatione, vim refrigerantem collaudat: ille,
 viam (Typhum) quæ ducit latam ad Orcum, Nitri
 ab usu ipsissimi esse occlusam, vehementer gaudet.
 Consuetudineque assiduâ, Opium, Camphorâ,
 Antimonium, &c. morbis cum inflammatione cunc-

ris, plurimis sæpenumero adhibita, reperiendum; et vice versâ, morbis plerisque chronicis, remedia esse sola spectantur. Reverà, Culleni Nosologia, vix morbum complectitur, qui, tempore vario, ratione valdè diversâ, et quàm maximè contrariâ, non fuerit tractatus. Et quod sanè perridiculum, sententiam suam abhorrentem quisque defendit, argumentaque vix numeranda, præter exercitationem, mutuas confirmare assertiones, in medium profert. Verum res est nota, et manifesta omnibus, permultos, hypotheses, morborum conditiones, et experimenta, sibi contumeliosa, artique Medendi præstantissimæ damnosa, aut usûs, aut commodi sui conveniendi causâ, studio multo elaborato confinxisse, viceque versâ. Parvique res est momenti, seu rectè, seu pravè, semel acceptis, si spes auctoris pascantur inanes, vel si commodò ejus conducatur. Profectò acuta, persubtilisque argumentatio, sæpius et veritatem, et justitiam, præ sese obruit.

Qui ex morbo convalescentes modum ad hunc diversum fuerint tractati, primò vi Medicatrici Naturæ, in scholis Medicorum tamdiu magni nominis, initium sine dubio dedere. Hæc quæ invisâ operat, equilibrium, tranquillitatemque corpori turbato restituere, leviter certè valeat; etsi limitationibus non exiguis, plurimisque nodis præpollentibus obnoxia. A multis fatis constat, nostri

cognitionem compressamque mancam Medicinæ Modi Operandi, Methodique consequentis Medendi, esse quare desleamus : quæ, spero, causam mei dicent, hâc si oratione, sententiis usu hâc de re acceptis aliquid inimicum proponerem.

HISTORIA SYMPTOMATUM.

ÆGER, morbo tentante, universâ subitâque privatione sensûs, motûsque voluntarii, repentè cecidit ; vultus tumescit, et vasa temporibus vicina maximè turgent, os plerumque apertum, spirandi difficultate laborat, respiratioque aliquando est sonora ; pulsus, primo impetu, sæpenumero plenus, sed languidus, lentusque evenit ; fæcum, et urinæ, emissio sæpe adest voluntaria, et quoad vultum, inter eum, somnoque oppressum, hoc maximè interest, quòd non hunc, sed illum, exsuscitare possis ; convulsiones denique superveniunt, dentumque stridor, quæ citò, ægrum, et morbum ad exitum, eodem temporis puncto, perducunt.

CAUSÆ PRÆDISPONENTES.

CAUSA non est una, sed complurium concursus, serè qui statum prædispositionis inducere confert ;

uti diæta plenaque generosa, cibo ex animalium constans, focordia cum indolentiâ conjuncta, nimia quoque ac perpetua spirituum fermentatorum ingurgitatio, ebrietatem crebram inducens.

Ufus veneris effrænatus præterea ad hoc conducatur, ut appositè inquit Darwinius :

Balnea, vina, venus, corrumpunt corpora nostra,
At faciunt vitam balnea, vina, venus.

Sed horum usus solummodo est immodicus, qui perniciofa reddit ; his quoque studia literarum adde assidua, curam mentisque aliam, quæ ad corporis vim humani effundendam maximè conducatur ; et occupationes quædam sedentiæ ad hæc, cum aliis, operam conferant. At causarum omnium prædisponentium, exitus ferè fiunt maximè perspicui, ad vel circiter vitæ tempus grande climactericum, quâ ætate, homines, annorum naturâ debili urgentium, focordes, et ignavi eveniunt ; voracitati, potationique (quasi rei, in vitâ eorum, maximi momenti,) sincerè dediti. Subindè corporis nimia obesitas, focordia, et desidria sæpenumero evenit ; in partibus variis denique sui corporis, torpore, sensationeque pungenti tangi incipit ; vertigine, somnolentiâ, crebro desiderio privationeque memoriæ perbrevis, sæpissimè tentatur. Visionis, et auditus temporariæ quoque interpellationes, cum doloribus acutis in

cerebrum transversè irruentibus, incubi crebris tentationibus, multisque aliis, sæpissimè iis succedunt; quorum præsentia adesse prædispositionem plerumquè ostendit, at præcipuè, his cum quâdam corporis formatione conjunctis, uti capite largo, cerviceque brevi, pro cæteris partibus humani corporis. Hominem, jam nobis fingamus, plurimis symptomatum quæ suprà memoravimus, laborantem, uti patricius civis obesus, vel crassa publicani conjux, tales materiæ moles, à plerisque auctoribus, temperamenti esse plethorici dicuntur, sanguinis redundantia in systemate vasculari significatâ, dum eodem tempore, docent medici ferè omnes scriptores qui hanc rem attigère, plethoram pariter adesse iis qui prædispositione ad morbos inflammatorios laborant, uti Synocha, Pneumonia, &c.

Speculatori maximè improvido est intelligendum, quòd, si in utrisque existat plethora, varia phænomena præbent; priore, magnâ cum laxitate, et debilitate solidorum, totiusque corporis, semper comitatâ, ut fatis apparet à symptomatibus omnibus supradictis, quæ ad Apoplexiam prædispositionem faciunt: contrâ, ad posteriorem prædispositionem, cum vi, copiâque in toto corpore impulsus tonici, plerumquè consociatur, ut obvium fit ex omnibus humani corporis muneribus, quæ, cum vigore, pulsu pleno, valido, aliquatenusque lento

perficiuntur. Eos ergo, qui verbi ambigui plethoræ sunt cupidi oportet, suæ causâ dignitatis, et humanitatis causâ, aliquid facere discrimen, prior, cum laxitate, posterior, cum vi, Plethora nominaretur, vel appellationibus etiam aliis uterentur, ideas si nobis satis distinctas transmittere velint.

Quod ad priorem attinet, quæ phænomena podagricus, et apoplecticus, magnam illam sanguinis redundantiam indicare ostendit, (quam adesse plerique auctores adeo præcisè affirmant,) obeso fui corpore excluso, cui jam longo tempore cum plethorâ eandem esse significationem, incautè fuit spectatum. Si nobis tamen, corporis humani animalibus ante oculos in macellum carnarium positis, opinionem concipere liceat, ibi, incrementum corpulentiae vastum, materiæ obesæ quantitate auctâ, membranâ adiposâ per totum corpus universè depositæ, provenire reperietur. Quodque ad corporis partes musculares attinet, auxisse haud sese ostendunt; è contrario, aliquanto esse diminutæ pro adipe videntur, qui ab animalis defidiâ oriri probabiliter possit: quidque est, quare ab hominis parte supercretâ animali, idem non inferamus. Lanium prætereà interroga, animalia seu obesa, seu gracilia, sanguinem copiosissimè amittunt, tibi, sine cunctatione, respondebit, haud dubiè plurimum posteriora; non debet tamen ut significans præcisè, eâ causâ,

ſpectari, animal reverà plus ſanguinis macilentum habere, ſed palam pro certo facit, vim reſiliendi, vel contrahendi, ſuo quæ ſyſtemate muſculari poſſidetur, illam animalis multò ſuperare obefi ; itidemque ſanguinem obefus amittat, et citiùs plerumquè languet, quàm qui temperamentum fui macilentum habuerit. Ex hoc probare, fluidi vitalis in corpulentis defectionem eſſe ullam, mihi non eſt in animo ; multos verò, ut ne temerè effunderent, abſurdè copiam ejus eſſe nimiam judicantes, commovere ſincerè exopto. Namque ad ſalutem, vel ad morbum chronicum amovendum, nihil tam conducit, quàm partes inter ſolidas, et fluidas equilibrium opportunum conſervare, excitamentum à Brunone maximè ingenioſo vocatum, (à quibuſdam viribus, vel ſtimulis, in excitabilitatem ſeſe exercentibus, proveniens, vim quæ in corpore vitâ prædito fuit inſita, id ut re inanimatâ dignoſcat :) nos igitur cautos maximè eſſe oportet, priuſquam ullum vel ſtimulorum minimum abducimus, ne aptum corporis equilibrium perturbemus, cujus incuriæ, vel inſcitæ, (uti ſanguinem emittere remiſſis,) intermittentes, &c. ſæpenumero ſucceſſere. Quomodo opimi ſanguinis et boni copia generari poſſit, (tempore quo totum corpus, at ventriculus præcipuè, multum enervatur, omneſque ſecretiones contaminantur,) ita ut animo ſatiſfiat, hoc difficile ex-

plicatus habebit; nisi à crassitudine ejus cruentatâ, coloreque fusco, bonam sui qualitatem (ut vult vulgus,) spectamus: sat erit dicere, hæc vascularis ex ignaviâ systematis exoriri. E contrariò, tantùm evenit quo tempore corpus est strenuum, et quàm maximè validum, digestionis processus et assimilationis tam perfectos esse et completos, quàm sanguinis copiam benè stimulantis proferre.

Ipsi etiam, qui humorum pathologiæ favent, opimum et copiosum esse sanguinem pro densitate tonoque partium solidarum, affirmant. Nosque Joannes Hunter (vir certè apprime doctus,) globulos sanguinis rubros exercitatione semper auctos, fociardiâque esse diminutos, aptissimè docet; à quo fit obvium, verbum si plethora sanguinis benè stimulantis copiam significare spectetur, prædispositionem ad corporis habitus cum inflammatione posteriorem appellationi maximè esse propriam, certè multò magis quàm prior prædispositio ad Apoplexiam, Podagram, &c.

Homines cum Apoplexiâ haud sæpe tentari notum est, donec intemperantiæ plùs minùs indulgere aliquandiu persisterint; tamdiu enim exercitatione opportunâ, &c. salutem viresque corporis sustinere persistant, quæ secretiones proprias, et excretiones, conservant, acri haud periculo versantur; sed incontinentiam propter assidu-

am, debilitatis symptomata (Languor, Tremores, Anorexia, &c.) præmaturè superveniunt, et plerumquè post intemperantiam ullam insolitam, tentare incipit morbus, exitu sæpe maximè lethali. Estque notatione dignum, omnem impetum sequentem priore ferè esse periculosiorem; nec causa latet, inertius enim corpus evenit, vi præditum minore, eoque causis quæ excitant obsistere parum valeat. Licet enim sanguinis iis inesse redundantiam, qui prædispositione laborant concedamus, tamen vis tonici, vel excitabilitatis defectionem esse, originem priore stimulorum superfluitate trahentem, pro certo habemus; quæ, systematis exinanitionem vascularis haud fieri copiosè idoneam, sine injuriâ reddit, ni stimulos quosdam adjectos qualitate, pro quantitate amissâ, sanguis acceperit.

Rebus ex omnibus supradiëtis, ad Apoplexiam prædispositionem debilitatis è statu præcipuè indirectæ pendere, quâdam corporis formatione, quam suprà memoravimus, consociato, colligere mihi causam esse æquam videtur. E contrariò, si ardore, viribusque corporis prædispositio comitetur, quâ ratione, inter trigessimum et quadragesimum annum, quo tempore corpus est quàm validum, homines cum Apoplexiâ non invenimus tentatos; at rarò seu non unquam, Apoplexiam eo tempore evenire, causis excitantibus vel quàm acribus ad-

motis, usu est repertum. Ergo prædispositionem, virium corporis defectionem, vel privationem, esse seu significare, iterum justè colligamus.

Dum prædispositio permanet, varia sunt tempora, quibus, homines causis excitantibus magis obnoxii, quibusque causis excitantibus sunt faciliùs affecti, uti per somnum primum, post incontinentiam insolitam, postque cibum plùs æquo sumptum. Primi causam explicare non est difficile, si demus (et mihi æquum videtur,) ut in statu debilitatis haud directæ prædispositio consistat; enim de die, omnia nostra sensûs et voluntatis organa, omnes motus voluntarii, ingestaque, præcipuè cibaria bene condititia, et liquores generosi, vi eorum stimulante, excitabilitatem effundere, eòque somnum inducere, conjungunt, quo tempore iterum coacervatur: adeoque excitabilitatem accumulari, et exinaniri posse, obvium a multis redditur. Cum aliquis igitur ebriosus, vel multum qui passus laborem, in lectum se recipit, si dolorem, vel molestiam non induxerit, benè edormit; *id est*, à somno haud facilè suscitatur, nec ullo stimulo excitari possit; quâ conditione, si ullus stimulus adhibeatur, (uti strictum collare, vel si cervice contortâ jaceat, &c.) sanguinis à capite immunem regressum impediens, mox accumulatio Apoplexiam inducens evenit, neque molestiâ excuscitatur, neque accumulatio ob debilem

oppressamque statum vasculorum resistitur, consumptâ eorum excitabilitate, nec positio corporis prostrata, tentante morbo, permutatur, quò causa fortuita æquè amoveretur, ac si morbus cum erectum tentâisset, itaque lethalis citò exitus evenit: ex hoc autem discimus, quomodo qui in lectum se validos recepere, sæpissimè verò post ullam luxuriam, toties manè exanimes reperiuntur.

Haud erit intempestivum, cibus quî plenè sumptus corpus affecerit, hoc loco spectare, et quo pacto ad Apoplexiam prædispositionem augeat investigare. *1mo*, Quantitate ejus ventriculus distenditur, qui sese contra diaphragma impellit, respiratio inde multum reprimitur, visque oxygenosa, excitabilitatem vel irritabilitatem reficere, à quâ pendere nunc dierum censemus, minùs abundè suppeditetur. *2do*, Ventriculus distensus, vasculis descendentibus oppressis, vim sanguinis majorem capiti emitti efficiat, ibi quia minùs resistitur. *3tio*, Maximèque est verisimile, ingesta citiùs in systema sanguiferum transire, quàm partes superfluæ vasis excretoriis ejiciuntur, ut liquidò patet, aliquandiu post epulas, pulsu plenò, &c. Causæ hæ duæ proximæ, plenitudinem vasis capitis inferendo, (per excitabilitatem imperfectam, ut priùs memoravimus,) modo aliquanto simili vi externæ cerebro mechanicè admotæ, agere spectentur; eò morbi-

dum torporem, vel somnolentiam, inducere concurrentes, prædispositionem augere, eamque infimo ordini Apoplexiæ confirmilem facere.

CAUSÆ EXCITANTES.

TRACTATO jam statu prædispositionis, quas causas experienciâ excitantes esse sæpissimè reperi-
mus, recensere seu ostendere conabor. Neque hæ numero exiguæ sunt, uti ligamina stric-
ta collo, tussis aspera, cachinnatio, labor nimius corporis, elatio onerum ingentium, nixus vehe-
mens, convulsiones, &c. quæ omnes inspirationibus profundisque longis, semper pro opere adhibito comitantur; reditum immunem à capite sanguinis venosi hoc modo impedientes. Quâ conditione, musculi corporis plerique, magnâ vi, sese contra-
hunt, eâ de causâ sanguini ab arteriis exeunti magis obstititur, sanguisque refluens venosus cursu acce-
leratur; eò capitis vasis accumulatio evenit, ibi quia minùs resistitur. Capite aliquandiu demisso, vasorum cerebri plenitudo sæpenumero evenit, san-
guine contra sui gravitatem ascendente, qui, corpore valido, facilè perficeretur; corporis verò vasa, quod prædispositione laborat, vi propriâ privata, distenduntur, vertiginem, capitisque gravedinem

inducentia, et nisi æger positione corporis erectâ sublevatus fuerit, Apoplexiâ celeberrimè tentatur.

Calor quoque nimius magnâ vi agere spectetur, præcipuè verò si causâ ullâ aliâ excitante adjuvetur, uti in calidis frequentissimisque cœtibus saltatione, vel quo tempore hiemis frigoribus sol vernus subito succedat. Pathemata mentis pariter enumerentur, uti vehemens ira, lætitia effrænata, &c. hæc autem duobus diversis modis corpus afficiant, vel in excitabilitatem sese exerçant, vel affectionem nonnullam organicam faciant; hæc autem causæ excitantes fortuitæque spectari debent, quantum statum posteriorem producere valeant, uti vasorum capitis plenitudinem, &c. Hæ causæ excitantes, cum multis aliis quæ memorari possint, satis admotæ, sanguinis in vasis capitis accumulationem inducunt, proque eorum distensione, pressuræ cerebro plus minusve infertur, eò efficaciam, potestatemque omnibus partibus corporis vim sui nervosam imperiendi evertens, quo tempore æger decedit, sensu, motuque privatus, &c. ut suprâ in Historia Symptomatum memoravimus: cùm vero causa excitans quàm vehementissimè admovetur, vel longo tempore continuatur, vasorum cerebri ruptio sæpenu-mero evenit, effusione sanguinis sequente. Partes variæ capitis hujusce effusionis sedes fieri possint,

plerumquè verò evenit cerebri basi vicina, vel in ventriculis, vel inter meninges, Apoplexiam quidem constituens, quæ rarò vel nonnunquam sanari potest.

A re propositâ haud erit sejunctum, quomodo morbus de quo agitur ejusque comitantia symptomata nascuntur, hoc loco spectare.

Primo, Vasorum capitis extensionem, causâ excitante ortam, torporem vel quiescentiam corporis induxisse, usu invenimus; *id est*, Vis sentiens irritari non potest, ut sensationem, motusque omnes ex eâ pendentes suppeditet. Hæc vis sentiens, duobus diversis modis, iners, seu suspensa fieri potest; vel pressurâ cerebro mechanicè admotâ, vel excitamento imperfecto. Quod ad primum attinet, pressuram externam cerebro admotam, (uti in cranii fracturis, cum depressione, sanguinisque extra venas effusione,) vim sentientem, motusque omnes ab eâ pendentes, semper suspendere, nemo ignorat: idemque phænomenon occurrit, cùm sanguinis accumulatio, ab ullâ causa quâcunque, in vasis cerebri evenit.

Pro *secundo*, Quiescentiam quoque corporis ab excitamento imperfecto sæpenumero oriri, experientia docet, uti sanguinis, vel stimulorum aliorum deductione; ab abundantia priore vis cujusdam stimulantis, uti post parturitionem, post reductionem

molesti membri luxati, vel ullum alium nimium corporis laborem, quæ omnia corporis excitamentum maximè augent; eò modus stimuli consuetus, justam excitamenti rationem ad productionem sensationis necessariam, ministrare non potest. Cùm totum corpus afficit, vocatur Syncope; cùm partem verò corporis solummodo, uti vasa cerebri, eò vim tantùm sentientem suspendens, nominatur plerumquè Apoplexia, Coma, &c.

Rebus ex omnibus supradictis, facilè explicemus (ut mihi videtur,) Apoplexiæ causam, et continuationem; quiescentia, à priore causarum duarum quas jam memoravimus, oriri manifestò apparet; *scil.* à pressurâ mechanicè cerebro admotâ, sanguinis in vasis ejus accumulatione causâ excitante generatâ, quiescentiæque continuatio ab excitemento imperfecto oritur. Enim si quoque paulò post paroxysmi tentationem, sanguis in vasis omnibus cerebri ad quantitatem solitam redigeretur, torporis adhuc continuatio esset, quippe vasa, hoc tempore quantitate solitâ stimuli, (*scil.* sanguinis,) non satis excitarentur, propterea quòd ingenti stimuli quantitati (*viz.* nimix distensionis,) cui paulò antè fuissent obnoxia, tantò est inferior; namque ab omnibus confitetur, muscutorum fibras stimulo minore haud tam citò excitari, vel in actionem vocari posse, cum extemplò antè stimulo multò majori fuerint ex-

positæ. Estque probabile, quòd talis quiescentia vaforum capitis accumulationem servare maximè conducat, iis partibus, ob excitabilitatem consumptam, seu vim contrahendi imperfectam, sanguine minimè affecto: accumulationem igitur primitùs esse causam, ultimòque paroxyfmi effectum non justè spectemus? Cerebri partes varias causâ excitante affici posse, est obvium, quoniam affectiones ex parte paralyticæ morbum sæpenumero sequuntur. Hæc si argumenta adhibeantur, methodum medendi solitum, venæsectionem valdè copiosam, cum ratione debilitante vel antiphlogisticâ, maximè esse perniciosum planè indicant. Plerique verò auctores venæsectionem collaudant, eique iterum atque iterum copiosè repetitæ maximè confidunt; pro corporis conditione, morbike stadio, hæc res est parvi momenti, modò Apoplexia adsit, ægri venæ sunt ferè evacuandæ, causâ scilicet sanguinis effusionem impediendi, vel accumulationem amovendi; quod verò ad priorem attinet, fatis est probabile, ubicunque sanguinis effusio adsit, quòd causâ excitante manente occurrebat, quodque ad posteriorem attinet, venæsectio modica, in quibusdam conditionibus posthac memorandis, fuerit sæpè perutilis. Aliàs curæ sit nobis quo tempore scalpellum adhibendum, nos enim vasa nostra tubulos esse tantùm inanimatos spectare minimè oportet, nequaquam,

materiæ leges animatæ omnibus aliis sunt dissimiles, à legibus sibi solùm propriis perpetuò pendentes. Aliquis crederet, quòd exitus admodum infelix rationis (systēma vasculare copiosè evacuandi) suprà dictæ, tam multis ætatibus ab omnibus imitatæ, Methodi Medendi futilitatem quibusdam indicaret; compedes verò præjudicii pertinacis divellere secula quidem ipsa sunt crebrò necessaria, quod, cum fide implicitâ in sententiis alienis collocatâ, scientiæ, medicinæ autem præcipuè, fuit noxium.

Corpus humanum ad interitum perpetuò festinare experiētiâ quotidie invenimus, namque vita ipsa (si verba Brunonis ingeniosi mihi liceat citare,) conditio manifestè est coacta, calore, aëre, ciboque nutrita, quæ vitæ animalium æquè sunt necessaria, ac aër purus lucernæ accendenti; postquam igitur salutis limites semel fuerint diruti, inclinatio ad obitum supradicta ocyùs progreditur, ni quâdam vi contrariâ impediatur. Quid igitur non timeamus, cùm sanguinis deductione stimulorumque aliorum, pro ratione antiphlogisticâ, corporis talis torpor vel quiescentia producit, quæ aliquando fermè ad productionem affectionis universæ, ad obstructionem motûs tam involuntarii, quam voluntarii, extenditur: bene enim notum, eos qui prædispositione laborant multum sanguinis amittere ferè non posse, sine syncope plùs minùsve inductâ, ob vim imperfectam

systematis contrahendi vascularis. Hæc ratio tractandi pulsum debilem, atque exiguum ferè inducit, quem notant auctores paulò post, vel per paroxysmi continuationem, quo tempore quoque vasa, quæ causâ excitante proximè fuerint affecta, excitabilitate consumptâ, debiliora et inertiora eveniunt, ac secundum humani corporis legem, parti serosæ vel aquosæ sanguinis citò pervia fiunt, formatis effusionibus, et ni aptâ administratione fuerint coercita, materiæ hujusce serosæ plùs plùsque quantitas augebit, donec sensationem, motusque omnes voluntarios, pressurâ mechanicâ impedierit, exclusâque causâ primitivâ, mors ultimò aderit. Talia phænomena, cadaveribus inspectis, multos auctores falsò credere induxêre, Apoplexiam existere serosam, ut priùs memoravimus.

Quoniam Apoplexiam in duas species, viz. In Apoplexiam sanguineam, et serosam, auctores plerique divisêre, quoniamque symptomata, &c. cuique propria non speciatim notavere, eos has spectare esse ferè similes, tantùm ab effusione fluidorum variorum circa cerebrum exortas, fatis constat. Vastorum cerebri distensionem, sanguinis in iis accumulatione ortam, vasisque ruptis sanguinis effusionem, quæ Apoplexiæ paroxysmum inducat, evenire posse, congruens et speciosum videtur : liquidi verò serosi effusioni subitæ credere nullo tempore possum,

quod paroxysmum priori similem induceret. In-
 spectione cadaverum, hujusmodi liquidum fuisse
 inventum nemo inficietur, causam autem esse prox-
 imam et fortuitam mihi maximè incertum vide-
 tur; cuique enim res est notissima, materiam a-
 quosam, vel serosam effundi, seu exhalari vasis a-
 deo maximè minutis, ut accumulationem paulatim,
 uti in Hydrocephalo, evenire manifestè oportet,
 symptomataque evenirent, et pro accumulatione,
 pressurâque sequente procederent.

Probabilius verò mihi videtur, hanc materiæ
 serosæ effusionem esse effectum, et non causam par-
 oxysmi fortuitam, impetu virium excitantium pro-
 venientem, crebròque, ni fallor, administratione
 ineptâ tempore morbi, in ratione debilitante (vulgo
 quæ antiphlogistica dicitur,) perseverando, eò toti-
 us corporis debilitatem universam augente, vel
 aliter inducente, præcipuè verò cerebri, quia causæ
 excitanti maximè fuit objectum, et, materiæ serosæ
 effusionem in ventriculos cerebri debilitate solum-
 modo provenire, censeo. Perpauci enim, sentio,
 effusiones serosas in statu valido systematis vascularis
 unquam evenire, credunt; quare, quod dictum
 fuit Apoplexia serosa morbos inter symptomaticos
 aptiùs numerari debet, iis ex principiis universis
 pendens, affectiones quæ alias hydropicas inducunt.

PROGNOSIS.

IMPETUM si causæ excitantis cum symptomatibus quæ adsint, ægrique temperamentum, perattentè spectemus, morbi conclusionis justam bene informationem in universum habeamus. Prognosin quidem reddere in ullo morbo, in iis verò præcipuè acri periculo comitatis, multum prudentiæ, plurimumque discriminis, habere debet medicus; sæpenumero enim norma evenit, quâ homines aptissimè quidem de scientia ejus in arte plerumquè judicant.

Iis in conditionibus, quibus lenem aspectum symptomata præbere inveniuntur, quando ori ejus indita deglutire potest, sine rhonco, quandoque punctus, seu ictus, corporis motionibus, esse haud omnino sine sensu doloris, sese ostendit, exitum felicem prænunciat; faustum quoque erit indicium si superveniat febris, quæ perpetua comatis symptomata omnia sæpenumero removel *. Phænomena si fausta supradicta corpore parum defecto conjungantur, de ægri recuperatione optimè est sperandum. Nonnulla veruntamen affectio, partim paralytica, frequenter adsit, tempore longinquo plùs minùsve perpetua, quæ autem admi-

* Le Roy.

nistratiōni opportunæ ferè succumbet. E contrariò, ubi omnia symptomata acerrima esse invenimus, uti sensûs omnis privatio, stertor *, fœcum urinæque emissio in voluntaria, cum deglutitione difficili, ejus de recuperatione ferè est desperandum; et si superveniant convulsiones, fatum mox est inevitabile.

Crura si ægri in Apoplexiæ paroxysmo vellicemus seu pungamus, et si crurum unum, sed non alterum, sursum attrahat, posterius erit paralyticum; idemque de brachiis observandum. Æger si tempore deglutiendi tussi asperâ tentetur, affectionem œsophagi paralyticam esse ostendit; tussis verò si levis sit, vel tempore deglutiendi parum frequens, maximè pertinacem haud esse futurum sperandum. Cùm autem adeo afficitur œsophagus, ut liquor omnis, quem æger deglutire conatur, Asperam in Arteriam transit, sonumque crepitantem cum sensu suffocationis excitat, morte subitanèâ correpto mox inspicere speremus †. In omnibus vero Apoplexiæ conditionibus, est humani prudentisque medici quantum facere fieri potest, ægrum ut faucibus Orci eripiat, eum visere assiduè, summamque operam dare, tamdiu enim spirat, nos sperare oportet. Quando tentationibus tam violentis, quam suprà memoravimus, æger supersit, affectionem non-

* Hippocrates.

† Le Roy.

nullam maximè pertinacem paralyticam esse permanfuram, in univerfum fperemus.

RATIO MEDENDI.

MEDELAM ad confequendam noſtri folæ ſummæque operæ tendunt; ut verò ſpe aliquâ boni exitûs progrediamur, nos, ſtatum prædiſponentem, cauſam excitantem, cum ſymptomatibus quæ adſint, ſpectare aptè oportet, quibus ſine ſpectandis, operæ noſtræ plerumquè non ſolùm inanes, verò etiam noxiæ fierent. Eſtque ſane empirici cuiquam ſimulare morbis ſe poſſe mederi, effectu remoto, tempore dum eodem cauſam ſuperèſſe patitur; morbum itaque de quo agitur, duobus ſub capitibus dilucidis, ſcilicet prædiſpoſitionem, ipſumque paroxyſmum, ſpectabo. *imo*, Ægrum talem ſingamus prædiſpoſitione laborantem, qualem ſuprà* memoravimus, quam appoſitè eſſe morbum ſpectare, et tractare congruenter debemus, debilitatem abducere, et vim, tonumque totius corporis reſtituere, primùm nobis tentandum.

Necèſſe erit curationem inchoare, doſes modicas nonnulli aloëctici, aliufve aperientis leniter ſtimulantis adhibendo, ut molem illam materiæ indigeſtæ

* Vid. pag. 5. et 6.

expurgemus, quâ ferè eorum primæ viæ abundant, qui temperamento sedentario, seu corpulento sunt præditi, dosisque inter medelam, pro re natâ, repetatur. Eum cibo animali partim vesci oportet, ratione cum modicâ condimentorum, ad coquendum facilius, pro prandio, uti matura caro vervecina, seu bubula, illique sit curæ sollicitæ ventriculum ne nimium oneraret, maturè leviterque cœnare debet, minus autem cibi, tantò melius. Ebrietati si assiduè sit deditus, consilio monticolarum principi reddito utatur, qui symptomatibus debilitatis, (uti Tremores, Dyspepsia, &c.) spirituum prælargum fermentatorum poculum quotidie exsiccando, laborabat; *scilicet*, insigne gentilitium affigere ceræ sigillari, unamque impressionum in poculum quotidie injicere, quâ consuetudine revalescebat, validusque brevi tempore fiebat. Mores autem tam noxios intermittere paulatim, constantiæ sæpe plus est necessarium, quàm ferè generi debili mortalium forte evenit; ii verò, fontem hunc morbi lethalem, uno ictu eradicare debent, præter paululum vini, cerevisiæve tenuis seu generosæ, post prandium fumendæ. Enim tali licet transitione, morbis quibusdam debilitatis indirectæ sese objiceret, malorum tamen duorum minimum duco hoc esse postremum, cui, usu cardiaci nonnulli leniter stimulantis, fatis cavere possit.

Salutem ad restituendam maximè exercitatio conducit, uti equitatio, seu ambulatio, quam frequentem, temperatam, paulatimque pro viribus ægri esse auctam oportet; has enim superare, (ita ut nimio labore,) reditum viriumque valetudinis optatum frustrari, seu protrahere, tantùm valere possit. Versus * poëtæ elegantissimi sequentes, hâc de re, nos bene admonent :

Begin with gentle toils ; and, as your nerves
Grow firm, to hardier by just steps aspire.
The prudent e'en in ev'ry mod'rate walk
At first but saunter, and by slow degrees
Increase their pace.

Nonnulla levis ars mechanica, ingenio suo aptata, ei esset perutilis, mentemque corpus negotiis mutuò occupata tenendo. Frictio per scopulam corpori admota, dupliciter esset utilis, cùm lenis exercitationis, tum sanguinis circulationem in vasculis subcutaneis promovendi, usui inservire posset.

Somnum nimium, luci præcipuè captum, evitare eum oportet, cujus haud erit præcupidus, parcè ac duriter si vivat, seque aptè exerceat ; quare, alto foventeque somno, noctu, ferè fuerit compensatus. Sodales sibi feligere debet, æquè hos nimiâ alacri-

* Armstrong.

tate, ac illos silentio, severitateque morum insignes, cautè fugiens; his enim absentibus, summo altero sæpe esset obnoxius, sicut usu quotidie invenimus, eumque satis attentum illi haud facere possent. Eos igitur æquo animo, prudentiâ, probâque indole insignes, sibi eligere debet, quorum congressum, mentem leniter stimulare, ferè invenimus, per quam modo salutare in corpus sese demum exercet. Nos ægri ingenium primùm semper spectare oportet, quò sodales, et occupationes, suæ indoli fuerint accommodatæ.

In regione aridâ, et ferenâ, (si res hoc finant,) vitam degere debet; aëre quæ puro abundat, cujus vis ad corpus confirmandum non solum conducit, sed nos constanter exhilarat, et deinceps nos gaudio nosmet exercere stimulat. E contrariò, tempestatem nubilam, quæ in Magnâ Britannîâ, mense Martio et Aprili, vento ab Oriente exeunte comitata, sæpenumero passim prævalet, in animum magnam habere auctoritatem, animi abjectionem, affectiones hypochondriacas, &c. inducendo, omnibus est concessum. Et inter Gallos, in proverbium cecidit, Anglos, tali prævalente tempestate, vitam suspensio finire. Auxilio medicinæ si eguerit ægrotans, Cortex Peruvianus, Stannum, Amara, Acidum Vitriolicum Dilutum, cum aliis commodè adhibeantur; et commoretur quoque, pro re natâ, apud

(Scarborough, Tunbridge Wells, alios vel) eos locos, aquis qui medicinalibus abundant. Si ii, qui ad Apoplexiam prædispositione, morbo five ullo alio indirectæ debilitatis laborant, regulis paucis universis suprâ instructis convenienter viverent, cibus in ventriculum receptus aptè concoqueretur, chylus indè bonus proferretur, inque sanguinem transgressus, hæc coacervatio rationem idoneam vis stimulantis eo tempore haberet, systemaque vasculare incontinentiâ antecedente confectum, et desidiâ torpidum, tonum, vigoremque sibi proprium, citò recuperare posset. Regula aurea salutis conservationi aptata, est, Nimietatem fugere, et semper cavere, ingesta excretis, viresque excitantes excitabilitati æquare, et vice versâ. Valetudo, et ægrota- tio, eo tempore, ut debent, sequerentur, congeriemque morborum lethalem ab hominibus amoverent, Orco qui quotidie animarum multa millia demittunt.

Hoc loco memorare certè parum necessarium, ut, inter statum prædipositionis, causa quæque excitans evitari cautè debeat; si autem non fuerit evitata, ac paroxysmus reipsâ evenerit, medicinæ hoc tempore auxilium sit necessarium, et de scientiâ, discrimineque medici, ægri vita sæpenumero pendet.

2do, Quod ad paroxysmum ipsum attinet, quamvis ulla vix est conditio morbi venæsectionem quæ maximè copiosam postulat, quibusdam tamen conditionibus modica sanguinis evacuatio necessaria evenit, de quibus, nos, res comitantes normam esse maximè securam, spectare oportet, quâ, eâdem in evacuatione, et universâ morbi administratione, dirigi debemus, qui capitibus sub duobus dilucidis spectari possit.

1mo, Corporis vigore pleni morbum comitante, cui nomen (διάθεσεως σθενικῆς,) diathesis sthenicæ, à Brunone ingenioso, fuit redditum. 2do, Corporis laxitate pleni morbum comitante, cui nomen (διάθεσεως ἀσθενικῆς,) diathesis asthenicæ auctor idem ingeniosus reddidit.

Quod ad priorem attinet, hisce in conditionibus, quibus æger ætate non sit provectus, cùm præviâ nimietate, vel diu manente intemperantiâ, haud fuerit confectus, et cùm multa quoque alia phænomena copiam vis tonici, et vigoris corpori inesse pleno ostendunt, de quibus, pulsu pleno, et crebro, suæ statu valetudinis, vigore, rationeque priùs vendi, quàm eum paroxysmus tentabat, judicare debemus; si, investigatione factâ, tonum et vigorem inesse corpori credamus, plethoram quoque adesse ex iis pendentem, nos indè causam æquam

colligere habemus *. Cùm igitur, paroxysmo manente, cor et arteriæ vi magnâ sese contrahant, ad sanguinis accumulationem in capite conservandam, conditionis causâ vasorum in eo debilitatæ, maximè certè conducent; et si corporis vigor sit violentus, accumulationem sanguinis in vasis adeo extendere, ut excitabilitatis eorum accumulationem impedire, etiamque vitæ ipsæ principium extinguere, pergere possit. Omnibus itaque in rebus similibus, excitementum in corpore pleno, conditionem ad eam mediam redigere nobis quàm primùm est tentandum, accumulationi quæ nimix obstat, et nihil, est verisimile, huic usui æquè inserviet, ac venæsectio, stimulum amovendo præ omnibus aliis potentem, proptereà quòd corpori toti proximè et universè ad-movetur.

Quantitas sanguinis emittenda, copix toni, et vigoris, qui in corpore insint, æquari debet; rarò autem minùs quàm octo, neque plùs sanguinis quàm viginti-quatuor uncix, à nobis unquam de-trahi debent.

Quantò citiùs post initium paroxysmi medicus venæsectione utatur, tantò verisimiliùs commodum ex eâ esse proventurum; quò autem diutiùs eam distulerit, eò minùs necessaria fuerit. Et haud multò pòst, uti tempore quo pulsus languidus,

* Vid. pag. 9.

debilis, et lentus evenit, non solùm eam inutilem, sed etiam esse noxiam futuram, apparet; circulationem autem sanguinis per cerebrum omnino impediri credere non debemus, mors enim, credo, ferè rei hujusmodi repentè succederet. Verò in omnibus istiusmodi conditionibus, vigore corporis comitatis, rationem medendi debilitantem non protrahere, vel perseverantia praelongâ, vel copia nimîâ, statum quæ debilitatis directæ inducerent, nos maximè esse cautos oportet. Enim obvium est, paroxysmus si aliquandiu permaneat, ut, defectione stimulorum inevitabili, directâ sensim supervenerit debilitas; ubi primùm, igitur, ratio debilitans, conditionem ad mediam, excitamentum redegerit, eâ abstinere debemus. Si autem eâ subter conditione ullo tempore iverit, deinde, nos ratione agere diversâ, stimulosque varios postea memorandos adhibere, qui, vim et excitamentum, punctum ad idoneum agendi animent, oportet. *2do*, In iis autem conditionibus, quibus non adsunt phænomena, quæ tonum et vigorem inesse corpori ostendunt, sed ubi è contrariò magna adsit debilitas, et laxitas totius corporis, nimîâ seu assiduâ incontinentiâ inducta, uti in statu prædispositionis suprâ plenè notavimus; (et, paroxysmorum Apoplexiæ multò maximum numerum sub capite debilitatis totius corporis indirectæ, præcipuè verò vasorum capitis,

posse spectari, cenfeo :) igitur in hujusmodi conditionibus, præcipuè autem si æger provectior sit ætate, vel, tempore prævio, morbo fuerit tentatus, corporis vice consumendi venæsectione, &c. nos, è contrariò, excitamentum animare, vel excitabilitate augendâ, vel stimulis vi majore præditi adjiciendis, quàm maximè possumus oportet.

De priore, principium est, cujus adhuc fumus admodum ignari, de quò, ejus exitibus tantùm, judicare possumus; nec etiam nunc accumulandi cujuscunque rationis proximæ nobis est notitia; animum igitur ad posteriorem (*scil.* modum ad virium stimulantium majorem,) advertere debemus. Æger, morbo tentante, in lectum quamprimum ponatur, conclavi gratè frigido, partim corpore ejus erectâ, ligaminibus omnibus, quæ, cum aliis, collum circumvolvantur, statim detractis, quæ regressum immunem sanguinis à capite impedire conducant. Deinde, sub quo capitum duorum suprâ dictorum tractari debet, spectemus; si sub priore, emittatur sanguis, aliterque secundum præcepta eo loco instructa tractetur.

Si autem sub capitum posteriore, hicque loci cura sedula, cum non exiguâ cautione, sæpe est adhibenda, quoque enim iis in conditionibus, pulsum, tentante paroxysmo, plenum esse et crebrum, aliquando invenimus; præcipuè autem si, cibum

post plenè sumptum, evenerit, à quo plenitudo in systemate vasculari perbrevis, scalpellum quæ adhiberi postulet, induci possit. Si verò, primo impetu, stimulos vi permagnâ præditos, temeritate nimîâ, adhibuerimus, corporis excitamentum probabiliter augeri possit, (conditionem ultra mediâ, quam nos petere oportet,) accumulatio hac ratione, adeo increverit, ut principium vitæ ipsæ funditus extinguere, in vasis iis cerebri, quæ causâ excitante maximè fuerint affecta. Haud erit intempestivum, priusquam de Ratione Medendi longiùs agitur, hoc loco spectare, ut, omnibus in conditionibus, quibus causa excitans longo tempore, seu magnâ vi, fuerit applicata, operas vel quàm maximas subito esse felices, haud sperare debeamus: (causa satis apparet *,) in omnibus enim hujusmodi conditionibus dum quiescentia manet, nos, malis quæ ab accumulatione oriri possint, summâ operâ præripere oportet; si, in hoc peragendo, operæ bono exitu comitentur, deinceps, accumulatione excitabilitatis spontaneâ, excitamentum nascetur, quæ temporè, præviâ pro suâ consumptione, aucta, seu diminuta fuerit.

Multis in conditionibus, Rationem Medendi haud satis perspicuè descriptam invenimus, uti statum

* Vid. pag. 16. et 17.

medium diathesin inter sthenicam et asthenicam ; in omnibus hujusmodi, ægro sanguinis octo vel duodecim uncias emittere tempestivum fuerit, applicationemque stimulorum diffusibilibus ad tempus differre, donec vigor corporis deficere cœperit. Cùm autem pulsus, paroxysmo incipiente, tantum est leniter plenus, et haud creberrimus, venæsectio omnino est vitanda ; ægroque posito, ut suprâ mandavimus, ei enema stimulans quamprimum detur, et si deglutire possit, nonnulla aperiens aloëtica, cum Hydrarg. Muriat. Mit. stimuloque leniter diffusibili, ut primæ viæ evacuentur, adhibeatur. Corpus ejus, lanulâ solâ, vel juncto sinapi ferè quod usurpatur, bene, leniterque affricetur, vel embrocationis portione sequentis : R. Tinct. Opii. Æther. Spt. C. C. aa oz. ij. M. fiat embrocatio. Plerumquè intra horam, si prædispositio haud fuerit permagna, seu causa excitans diu aut vehementer applicata, de recuperatione ejus crebrò est sperandum ; quæ quidem haud infrequenter evenit, antequam medicus advenire potest, spontaneâ excitabilitatis accumulatione, modo quæ stimuli solito affici possit. Ubi autem recuperatio non evenierit optata, uti suprâ memoravimus, pulsusque, circulationem advenire inertiolem, et debiliolem, significare incipit, cataplasmata stimulantia pedibusque cruribus, cum vesicatoriis capitique cervici, sine

morâ sunt adhibenda : hæc reverà, primo impetu
 paroxysmi, adhibeantur, haud quia aliquid boni
 subito ex iis oriri est expectandum, aliquando enim
 totæ quidem horæ priùs abeunt, quàm corpus, ita
 ut sensus moveat, afficere cœperint. Atque etiam
 initio paroxysmi rarò essent necessaria, quippe, eo
 tempore, excitamentum in pleno corpore ferè satis
 valet ; si æger tamen uti suprà recuperet, aut ab-
 trahantur, aut manere, secundum medici volunta-
 tem, concedantur. Ubi autem paroxysmus per-
 maneat, multum commodi, in stadio morbi secon-
 dario, ab his viribus stimulantibus, nobis est expec-
 tandum, uti quando vis systematis vascularis iner-
 tior, et debilior, fieri cœperit. Si deglutire possit,
 aliquis stimulorum diffusibilium liberè adhibeatur, uti
 Æther, Tinct. Ammon. Præp. Spt. Vin. Gallic. &c.
 qui tamen debilitati apparenti æquari debet. Inha-
 latio gasis oxygenosi, aëre atmospherico diluti, est
 maximè notatione digna, cùm fibræ muscularis ir-
 ritabilitatem augere nunc dierum creditur ; si autem
 hoc modo non agere possit, unum esse è stimulantibus
 maximè diffusibilibus, quoniam ab eo excitamen-
 tum universè intenditur, meritò nobis licet spectare.
 Electrificatione quoque commodè utatur, scintillis
 primò è corpore eductis machinâ electricâ, ritè ap-
 plicatâ, crebri deinde atque lenes ictus ei variè
 reddantur, vel per caput ipsum. Quidam rationem

hanc posteriorem acri periculo comitatum iri, sine dubio, sentiant; ita fieri potest, rarò verò occurrere me experientia docet. Bene enim memini hominem, qui affectione nervi optici paralyticâ laborabat, pro quâ ictus per caput redditos recipere jussus est; sæpenumeroque postquam stupui, iis nihil mali exitûs successisse, liberè enim et acriter, ab adolescentulò stulto, atque præcipite, erant redditi. Cùm autem aliquis ictum instantem percipit, rarò ex eo multum boni oriri possit, si ictui inopinatè reddito comparetur. Igitur, conditione ægri torpidâ spectatâ, quatenus extendi possint, haud dicere queo; ictibus autem electricis, leniter atque modicè, applicatis, aliquid boni, et nihil mali successurum esse, faciliè credo. Medicamentum mite emeticum nunc commodè reddatur, præcipuè si tumor capitis, atque vultûs, multum fuerit diminutus; vomitio enim partes omnes corporis, (præcipuè autem partes superiores,) leniter concutit, atque eò sanguinis momentum in vasis capitis, et deinceps excitamentum, augebit. Emetica tamen, ubi vigoris multum corpori insit, semper vitari debent, neque nos, tempore vel morbi maturo, ea adhibere oportet: quoniam verò vomitionem certis limitibus circumscribere parum aliquando valeamus, idemne commodum, à corpore positione in horizontali subinde brevi tempore lo-

cato, oriri possit, uti in Syncope, &c.? Si, postquam in ratione supradictâ, octo seu decem horis, perstiterimus, æger nulla symptomata recuperationis præbuerit, sanguinis extra venas effusionem cranio adesse interno, vel effusionem serosam, propter quiescentiam diuturnam, esse affuturam, causam credere æquam habemus, præcipuè verò, si pulsus parvus, debilior, atque lentus eveniat. Nos tamen, ab applicatione stimulantium partibus diversis sui corporis non desistere, (uti sæpiùs fit, præcipuè æger si haud fuerit dives,) ea autem mutare, et conjungere, pro re natâ, oportet. Hydrargyrus in auxilium ægri jam introvocari debet, spe boni exitûs, quoniam in Hydrocephalo perutile fuit inventum, præripere eventui effusionis serosæ aliquantum valere, à priori nobis licet sperare. Eò semiuncia Ung. Hydrarg. parti femorum internæ, seu semidrachma usque ad drachmam Hydrarg. Mur. Mit. partibus gingivis vicinis, affricetur; haud ut salivet, sed tantum ut systemata vascularia, et absorbentia, vi agere auctiore stimulet. Rationem si agendi supradictam, octo vel decem horis, non intermiserimus, ægerque nulla recuperationis symptomata adhuc præbuerit, mortem gradu concitato in se festinare, sit nobis manifestum. Humanitas autem ipsa, nos, operam summam, curamque sedulam, nullo tempore remittere, fatigat,

Mors donec vitam miseram ad exitum perduxerit. Indicia sequentia ægri recuperationem haud procul abesse ostendunt ; corporis sui motionibus non esse omnino sine sensu videtur, quo tempore loquitur, aliquid seu absurdè miffitat, tandem quasi è gravi somno expergiscitur, resque externas paulatim agnoscere incipit, ignavus autem atque torpidus aliquandiu permanet, affectionesque paralyticæ sæpè numero remanent. Aliquot adhuc diebus stimulantia adhibere pergamus, sensim abducentes, prout minùs necessaria eveniunt ; et si affectiones paralyticæ assiduè remaneant, eum electrificatione, frictione, exercitatione, stimulis cum quibusdam durabilibus, uti Cortex Peruvianus, Myrrha, Amara, &c. uti oportet. Si autem debilitas languorque tantùm succedant, valetudini et vigori, rationi dum in melâ prædispositionis instructæ modò paruerit, verissimillimè citò succumbent.

